


Silja, 6mon.



suechet äs nöiis Daheime mit Freigang

Hoi Du

Ja DU, Dig meini. Ig bi d'Silja, das bedütet «Königin des Waldes», u das wiu ig ou sy. U das isch ou d'Grund, warum ig es nöiis Daheime suech. Dört, wo ig wohne, chan ig nid nach dusse, u ig wiu u muess nach dusse, ig haut's nur dinne nid us. Das isch i mini Gene, mis Mami isch es Wiuds u mi Papi isch ou e Wiude. Drum!

Ig bi 6 Mönat aut, gimpft, teschtet, no nid kaschtriert (das wird abr die nächschi Täg no gmacht), gsung u schtuberein. Bi e ganz e liebi aahänglechi u verschmuesti Chatz. Sähr lebhaft, tempramentvou u nöigiirig, muess aues ungersueche u chennelehre, ig ha vor nüt Angscht. Isch ja aues so spannend uf diesere Wäut. Mis auerliebschtes Hobby isch Schpiue, mit auem u jädem, dr ganz lieb Tag lang, dört bin ig mega uusduurend. Mis zwöitliebschtes Hobby isch Ässe (Chlaue), ja dört muesch ufasse, am beschte niene nüt nienisch ummeschtah lah, ig fing aues! Ig chenne nur d'Wohnig, abr wie gseit, das reicht mir nid, ig muess usse, Wiese, Waud u Fäuder erschunde, am Beschte i ländlecher Umgäbig.

Ig sueche es Daheime ir Familie mit grösseri Ching (so ab Schuuauter), zum Schmüsele u Schpiue. E liebi Chatz i mim Autr wär mir ou sähr rächt, zum Schpiue, ig cha mit fascht jäderi. Nur chei Hung, chenn u wott ig liebr nid. Es Chatzetörli wär ou tou, damit ig immr inne u usse cha, wie ig wott. Chasch Du mir so öppis biete? Wohnsch Du ir verchersarme Gägend odr ufm Land u suechsch Du es Luusmeitli? Ja? Das wär's! Denn müeset mir üs unbedingt lehre chenne. Ig wohne derziit no z'Ostermundigen/BE, zügale abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi scho uf Din erschte Bsuech. Erzählsch Du mir denn, wie's bi Dir dusse so uussieht?

Dini Silja



Katze sucht Mensch – Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch